



SAMOA

Faatulagaina o Aiaiga

- | | | | |
|----|---------------------------|----|---|
| 1. | Igoa puupuu ma le amataga | 3. | O faaunegatupe uma o le a avea o ni faaunegatupe na faia i luga o ni mokesi |
| 2. | Faaaogaina | | |

1999, Nu. 2

O SE TULAFONO e teuteu ai le Tulafono o le Ofisa Tausi Mavaega a le Malo 1975. [1 Fepuari 1999]

UA FAIA e le Fono Aoaofaitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o le Ofisa o Tausi Mavaega a le Malo 1999 ma e tatau ona faitauina faatasi ma avea ai o se vaega o le Tulafono o le Ofisa o Tausi Mavaega a le Malo 1975 (o le "Tulafono autu").

(2) O lenei Tulafono o le a amata faamamaluina i le aso e faapea o le a tuuina i ai le maliega a le Ao o le Malo ma e tatau mo faamoemoega uma ona i ai ni malosiaga e faamamalu ai agai i ni vaitaimi ua tuanai.

2. Faaagaina – O lenei Tulafono e faaoga i faaunegatupe uma ma tupe na tatala atu faa-aitalafu na tuuina atu e le Tausi Mavaega a le Malo e tusa lava pe na faia pe leai foi po o na tuuina atu a o le i amata faamamaluina lenei Tulafono.

3. O faaunegatupe uma o le a avea o ni faaunegatupe na faia i luga o ni mokesi – O le Tulafono autu ua teuteuina i le faaofiina i ai o le fuaiupu 26(3) e faapea:

“(3) O faaunegatupe uma ma tupe tatala atu faa-aitalafu na faia e le Tausi Mavaega (po o Tausi Mavaega na uluai umia le Tofi) i so o se tagata e faapea ua le usitaia ai le tausisia o le faafuiaiupu (1) o le a avea i ona tulaga uma e avea ai o se mokesi faamauina i luga o so o se fanua, so o se pepa faamaonia e puipui ai se faaunegatupe, tupe faavae, feagaiga ua faamau-faailogaina mo le totogiina o ni tupe, faaputugatupe po o isi faiga malu puipuia o lo o umia, faale-tulafono po o faamanuiaga, e le tagata o ia lea na nonoina atu i ai le tupe po o na tatala faa-aitalafu atu i ai le tupe.”